

衆事分阿毘曇論

籍

才九

三百六十三  
投七

50357



天女奇法金剛院

轉

輪

重脩



衆事分阿毗曇論卷第九

投

尊者世友造  
宋藏求那跋陀羅共菩提耶舍譯

千問論品第七初二

四念處問云何四答謂身念處受念處心念處法念處

問此四念處幾色幾非色答一是色二非色

三不可見一分別身念處或可見或不可見

云何可見謂一入云何不可見謂九入及一

入少分三無對一分別身念處或有對或無

對云何有對謂十入云何無對謂一入少分

問四念處幾有漏幾無漏答一切應分別身

念處或有漏或無漏云何有漏謂十入及一





入少分云何無漏謂一大少分受念處或有漏或無漏云何有漏謂有漏意思惟相應受念處云何無漏謂無漏意思惟相應受念處如受念處心念處亦如是

法念處或有漏或無漏云何有漏謂有漏想陰行陰云何無漏謂無漏想陰行陰及無為三有為一分別法念處或有為或無為云何有為謂想陰行陰云何無為謂虛空數滅非數滅

問四念處幾有報幾無報答一切應分別身念處或有報或無報云何有報謂不善及善有漏身念處云何無報謂無記無漏身念處



如身念處受心法念處亦如是

三從因緣生世所攝一分別法念處若有為從因緣生世所攝若無為非因緣生非世所攝

一是色所攝三是名所攝一是內入所攝三是外入所攝一分別身念處或內入所攝或外入所攝云何內入所攝謂五內入云何外入所攝謂五外入及一外入少分一切是智知若有漏彼斷知及斷若無漏彼非斷知知及不斷

問四念處幾應修幾不應修答一切應分別身念處或應修或不應修云何應修謂善身

念處云何不應修謂不善無記身念處如身  
念處受心念處亦如是法念處或應修或不  
應修云何應修謂善有為法念處云何不應  
修謂不善無記法念處及虛空數滅非數滅  
問四念處幾穢汚幾不穢汚答一切應分別  
身念處或穢汚或不穢汚云何穢汚謂隱沒  
云何不穢汚謂不隱沒如身念處受心法念  
處亦如是  
三是果及有果一分別法念處或果非有果  
作三句果非有果者謂數滅果亦有果者謂  
有為法念處非果亦非有果者謂虛空及非  
數滅



三不受一分別身念處或受或不受云何受  
謂內入自性受云何不受謂非自性受

三非四大造一分別身念處或四大造或非  
四大造云何四大造謂九入及二入少分云  
何非四大造謂一入少分

三有上一分別法念處或有上或無上云何  
有上謂想陰行陰虛空非數滅云何無上謂  
數滅若有漏彼是有若無漏彼非有一因不  
相應二因相應一分別法念處若心法因相  
應若非心法因不相應

善處少分攝四念處少分四念處少分亦攝  
善處少分不善處少分攝四念處少分四念

處少分亦攝不善處少分無記處少分攝四  
念處少分四念處少分亦攝無記處少分漏  
處少分攝一念處少分一念處少分亦攝漏  
處少分有漏處少分攝四念處少分四念處  
少分亦攝有漏處少分無漏處少分攝四念  
處少分四念處少分亦攝無漏處少分三或  
過去或未來或現在一分別法念處若有為  
或過去或未來或現在若無為非過去非未  
來非現在

問四念處幾善幾不善幾無記答一切應分  
別身念處或善或不善或無記云何善謂三  
入少分云何不善謂三入少分云何無記謂



八入及三入少分

受念處或善或不善或無記云何善謂善意思惟相應受念處云何無記謂無記意思惟相應受念處如受念處心念處亦是

法念處或善或不善或無記云何善謂善想陰行陰及數滅云何不善謂不善想陰行陰云何無記謂無記想陰行陰虛空非數滅

問四念處幾界繫答一切應分別身念處或欲界繫或色界繫或不繫云何欲界繫謂二入及九入少分云何色界繫謂九入少分云何不繫謂一入少分

受念處或欲界繫或色界繫或無色界繫或不繫云何欲界繫謂欲界繫意思惟相應受念處云何色界繫謂色界繫意思惟相應受念處云何無色界繫謂無色界繫意思惟相應受念處云何不繫謂無漏意思惟相應受念處如受念處心念處亦如是

法念處或欲界繫或色界繫或無色界繫或不繫云何欲界繫謂欲界繫想陰行陰云何色界繫謂色界繫想陰行陰云何無色界繫謂無色界繫想陰行陰云何不繫謂無漏想陰行陰及無為

問四念處幾學幾無學幾非學非無學答六



切應分別身念處或學或無學或非學非無  
學云何學謂一入處少分云何無學謂一入  
處少分云何非學非無學謂十入及一入少  
分

受念處或學或無學或非學非無學云何學  
謂學意思惟相應受念處云何無學謂無學  
意思惟相應受念處云何非學非無學謂有  
漏意思惟相應受念處如受念處心念處亦  
如是

法念處或學或無學或非學非無學云何學  
謂學想陰行陰云何無學謂無學想陰行陰  
云何非學非無學謂有漏想陰行陰及無爲

問四念處幾見斷幾修斷幾不斷答一切應  
分別身念處或修斷或不斷云何修斷謂十  
入及一入少分云何不斷謂一入少分  
受念處或見斷或修斷或不斷云何見斷謂  
受念處隨信行隨法行人無間等忍斷彼云  
何斷謂見斷八十八使相應受念處云何修  
斷謂受念處學見迹修斷彼云何斷謂修斷  
十使相應受念處及不穢汚有漏受念處云  
何不斷謂無漏受念處如受念處心念處亦  
如是  
法念處或見斷或修斷或不斷云何見斷謂  
法念處隨信行隨法行人無間等忍斷彼云



何斷謂見斷八十八使彼相應法念處彼所  
起心不相應行云何修斷謂法念處學見  
修斷彼云何斷謂修斷十使彼相應法念處  
彼所起身口業彼所起心不相應行及不穢  
汚有漏法念處云何不斷謂無漏法念處一  
非心非心法非心相應一心法心相應一唯  
心一分別法念處若有緣彼心法及心相應  
若無緣彼非心非心法非心相應  
一心隨轉非受相應一受相應非心隨轉二  
分別身念處或心隨轉非受相應或非心隨  
轉亦非受相應心隨轉非受相應者謂心隨  
轉身口業餘非心隨轉亦非受相應

法念處或心隨轉非受相應作三句心隨轉  
非受相應者謂心隨轉心不相應行心隨轉  
亦受相應者謂想陰彼相應行陰非心隨轉  
亦非受相應者謂除心隨轉心不相應行若  
餘心不相應行及無為如受想行亦如是除  
其自性

問四念處幾覺隨轉非觀相應答一切應分  
別身念處或覺隨轉非觀相應或非覺隨轉  
亦非觀相應覺隨轉非觀相應者謂覺隨轉  
身口業餘非覺隨轉亦非觀相應

受念處或有覺有觀或無覺有觀或無覺  
觀云可有覺有觀  
覺有觀意思准相應



受念處云何無覺。上卷謂無覺有觀意思惟  
相應受念處云何無覺無觀謂無覺無觀  
思惟相應受念處如受念處心念處亦如是  
法念處或覺隨轉非觀相應作四句覺隨轉  
非觀相應者謂覺隨轉心不相應行及覺相  
應觀觀相應非覺隨轉者謂覺若覺不相應  
觀相應心法法念處覺隨轉亦觀相應者謂  
覺觀相應心法法念處非覺隨轉亦非觀相  
應者謂除覺隨轉心不相應行餘心不相應  
行及覺不相應觀及非覺觀相應心法法念  
處及無為

問四念處幾見非見。答一切應分別身念

處或見處非見作三句見處非見者謂九入  
及一入少分見亦見處者謂一入非見亦非  
見處謂一入少分

受念處若有漏彼見處非見若無漏非見亦  
非見處如受念處心念處亦如是

法念處或見非見處作四句見非見處者謂  
盡智無生智所不攝無漏慧見處非見者謂  
見所不攝有漏法念處見亦見處者謂五見  
世俗正見非見亦非見處者謂見所不攝無  
漏法念處

問四念處幾身見是彼因彼非身見因答一  
切應分別身念處若穢汚身見是彼因彼非



身見因若不穢汚身見非彼因彼亦非身見  
因  
受念處或身見是彼因彼非身見因或身見  
是彼因彼亦身見因或身見非彼因彼亦非  
身見因身見是彼因彼非身見因者謂除過  
去現在見苦斷使彼相應受念處除過去現  
在見集斷一切遍使彼相應受念處除未來  
身見相應受念處除身見生任異滅及彼相  
應法生任異滅若諸餘穢汚受念處身見是  
彼因彼亦身見因者謂前所除尔所法者是  
身見非彼因彼亦非身見因者謂不穢汚受  
念處如受念處心念處亦如是

法念處或身見是彼因彼非身見因作三句  
身見是彼因彼非身見因者謂除過去現在  
見苦斷使彼相應法念處除過去現在見集  
斷一切遍使彼相應法念處除未來身見相  
應法念處除身見生任異滅及彼相應法生  
任異滅若諸餘穢汚法念處身見是彼因彼  
亦身見因者謂前所除亦所法者是身見非  
彼因彼亦非身見因者謂不穢汚法念處  
問四念處幾業非業報答一切應分別身念  
處或業非業報作三句業非業報者謂身口  
業業報非業者謂報生身念處非業亦非業  
報者謂除業及業報身念處餘身念處



受念處或業報非業或非業亦非業報業報  
非業者謂報生受念處餘非業亦非業報如  
受念處心念處亦如是

法念處或業非業報作四句業非業報者謂  
報所不攝思業業報非業者謂若思所不攝  
報生法念處業亦業報者謂報生思業非業  
亦非業報者謂除業及業報法念處若餘法  
念處

二業隨轉非業二分別身念處或業非業隨  
轉作三句業非業隨轉者謂除業隨轉身口  
業若餘身口業業亦業隨轉者謂業隨轉身  
口業非業亦非業隨轉者謂除非業隨轉身

口業及業隨轉身念處若餘身念處  
法念處或業非業隨轉作三句業非業隨轉  
者謂思業業隨轉非業者謂想陰若思所不  
攝業隨轉行陰非業亦非業隨轉者謂除業  
反業隨轉法念處若餘法念處

三非造色色非可見色一分別身念處或造  
色色非可見色作三句造色色非可見色者  
謂八入及二入少分造色色亦可見色者謂  
一入非造色色亦非可見色者謂一入少分  
三非造色色非有對色一分別身念處或造  
色色非有對色作三句造色色非有對色者  
謂一入少分有對色非造色色者謂一入少



分造色色亦有對色者謂九入及一入少分  
一切是甚深難了難了甚深

問四念處幾善因非善答一切應分別身念  
處或善因非善作三句善因非善者謂善報  
生身念處善亦善因者謂善身念處非善亦  
非善因者謂除善報生身念處若餘無記及  
不善身念處如身念處受心念處亦是法  
念處或善非善因作四句善非善因者謂數  
滅善因非善者謂善報生法念處善亦善因  
者謂善有爲法念處非善亦非善因者謂除  
善報生法念處若餘無記及不善法念處  
問四念處幾不善不善因答一切應分別身

念處或不善因非不善作三句不善因非不  
善者謂不善報生身念處不善亦不善因者  
謂不善身念處非不善亦非不善因者謂除  
不善報生身念處若餘無記及善身念處受  
念處或不善因非不善作三句不善因非不  
善者謂不善報生受念處及欲界身見邊見  
相應受念處不善亦不善因者謂不善受念  
處非不善亦非不善因者謂除不善報生受  
念處及除欲界身見邊見相應受念處若餘  
無記及善受念處如受念處心念處亦如是  
法念處或不善因非不善作三句不善因非  
不善者謂不善報生法念處及欲界身見邊



見相應法念處不善亦不善因者謂不善法  
念處非不善亦非不善因者謂除不善報生  
法念處及除欲界身見邊見相應法念處若  
餘無記及善法念處

問四念處幾無記非無記因答一切應分別  
身念處或無記因非無記作三句無記因非  
無記者謂不善身念處無記亦無記因者謂  
無記身念處非無記亦非無記因者謂善身  
念處如身念處受心念處亦如是

法念處或無記非無記因作四句無記非無  
記因者謂虛空非數滅無記因非無記者謂  
不善法念處無記亦無記因者謂無記有為

法念處非無記亦非無記因者謂善法念處  
三是因緣緣及有因一分別法念處若有爲  
彼因緣緣及有因若無爲非因緣緣及非有  
因一非次第亦非次第緣緣三分別  
受念處或次第非次第緣緣作三句次第非  
次第緣緣者謂未來現前必起受念處過去  
及現在阿羅漢最後命終受念處次第亦次  
第緣緣者謂除過去現在阿羅漢最後命終  
受念處若餘過去及現在受念處非次第亦  
非次第緣緣者謂除未來現前必起受念處  
若餘未來受念處如受念處心念處亦如是  
法念處或次第非次第緣緣作三句次第非



次第緣緣者謂未來現前必起心法法念處  
過去及現在阿羅漢最後命終心法法念處及  
無想正受滅盡正受已起當起次第亦次第  
緣緣者謂除過去現在阿羅漢最後命終心  
法法念處若餘過去及現在心法法念處非  
次第亦非次第緣緣者謂除未來現前必起  
心法法念處若餘未來心法法念處除次第  
心不相應行若餘心不相應行及無爲一是  
緣緣緣非有緣二是緣緣緣及有緣法念處  
若心法緣緣緣及有緣若非心法緣緣緣非  
有緣

三是增上緣緣及有增上一分別法念處若

有為彼是增上緣緣及有增上若無為是增上緣緣非有增上

問四念處幾流幾隨流答一切應分別身念處若有漏彼隨流非流若無漏彼非流亦非隨流如身念處受心念處亦是

法念處或隨流非流作三句隨流非流者謂流所不攝有漏法念處流亦隨流者謂四流非流亦非隨流者謂無漏法念處

諦者謂四聖諦問云何四答謂苦聖諦集聖諦滅聖諦道聖諦

問此四聖諦幾色幾非色答一非色三分別苦諦或色或非色云何色謂十入及二入少



分云何非色謂一入及一入少分如苦諦集諦亦如是

道諦所攝身口業是色餘非色二不可見二分別苦諦或可見或不可見云何可見謂一入云何不可見謂十一入如苦諦集諦亦如是二無對二分別苦諦或有對或無對云何有對謂十入云何無對謂二入如苦諦集諦亦如是

二有漏二無漏三有爲一無爲二無報二分  
別苦諦或有報或無報云何有報謂善不善  
苦諦云何無報謂無記苦諦如苦諦集諦亦  
如是

三從因緣生世所攝一非因緣生非世所攝  
一名所攝三分別苦諦或色所攝或名所攝  
云何色所攝謂十入及一入少分云何名所  
攝謂一入及一入少分如苦諦集諦亦如是  
道諦所攝身口業是色所攝餘是名所攝一  
是外入所攝三分別苦諦或內入所攝或外  
入所攝云何內入所攝謂六內入云何外入  
所攝謂六外入如苦諦集諦亦如是  
道諦所攝心意識此內入所攝餘外入所攝  
一切是智知二斷知知及斷二非斷知知及  
不斷  
一應修一不應修二分別苦諦或應修或不



應修云何應修謂善苦諦云何不應修謂不善無記苦諦如苦諦集諦亦如是

二不穢汚二分別苦諦或穢汚或不穢汚云何穢汚謂隱沒云何不穢汚謂不隱沒如苦諦集諦亦如是

一果非有果三果及有果二不受二分別苦諦或受或不受云何受謂自性受云何不受謂非自性受如苦諦集諦亦如是

一非四大造三分別苦諦或四大造或非四大造云何四大造謂九入及二入少分云何非四大造謂一入及二入少分如苦諦集諦亦如是

道諦所攝身口業四大造餘非四大造三有  
上一無上二是有二非有一因不相應三分  
別苦諦所攝色心不相應行因不相應餘因  
相應如苦諦集諦亦如是

道諦所攝身口業心不相應行因不相應餘  
因相應

善處攝二諦及二諦少分二諦及二諦少分  
亦攝善處不善處攝二諦少分二諦少分亦  
攝不善處

或無記處攝非諦作四句無記處攝非諦者  
謂虛空非數滅諦攝非無記處者謂二諦及  
二諦少分無記處攝亦諦者謂二諦少分非



無記處攝亦非諦者是事不可得也  
漏處攝二諦少分二諦少分亦攝漏處有漏  
處攝二諦二諦亦攝有漏處

或無漏處攝非諦作四句無漏處攝非諦者  
謂虛空及非數滅諦攝非無漏處者謂二諦  
無漏處攝亦諦者謂二諦非無漏處攝亦非  
諦者是事不可得也

三或過去或未來或現在一非過去非未來  
非現在

二善二分別苦諦或善或不善或無記云何  
善謂苦諦所攝善五陰云何不善謂苦諦所  
攝不善五陰云何無記謂苦諦所攝無記五

陰如苦諦集諦亦如是

二不繫二分別苦諦或欲界繫或色界繫或無色界繫云何欲界繫謂苦諦所攝欲界繫五陰云何色界繫謂苦諦所攝色界繫五陰云何無色界繫謂苦諦所攝無色界繫四陰如苦諦集諦亦如是

三非學非無學一分別道諦或學或無學云何學謂學五陰云何無學謂無學五陰

二不斷二分別苦諦或見斷或修斷云何見斷若苦諦隨信行隨法行人無間忍等斷彼云何斷謂見斷八十八使彼相應苦諦彼所起心不相應行云何修斷若苦諦學見迹修



斷彼云何斷謂修斷十使彼相應苦諦彼所  
起身口業彼所起心不相應行及不穢汚苦  
諦如苦諦集諦亦如是

一非心非心法非心相應三分別苦諦所攝  
色心不相應行非心非心法非心相應受陰  
想陰彼相應行陰心法心相應心意識即心  
也如苦諦集諦亦如是

道諦所攝身口業心不相應行非心非心法  
非心相應受陰想陰彼相應行陰心法心相  
應心意識即心也

一非心隨轉非受相應三分別苦諦或心隨  
轉非受相應者謂四句心隨轉非受相應者謂

心隨轉身口業。心隨轉心不相應行及受。受相應非心隨轉者謂心意識心隨轉亦受相應者謂想陰彼相應行陰非心隨轉亦非受相應者謂除心隨轉身口業若餘色除心隨轉心不相應行若餘心不相應行如苦諦集諦亦如是。

道諦或心隨轉非受相應作四句。心隨轉非受相應者謂心隨轉身口業。心隨轉心不相應行及受。受相應非心隨轉者謂心意識心隨轉亦受相應者謂想陰彼相應行陰非心隨轉亦非受相應者謂除心隨轉身口業。若餘心不相應行若餘心不相應行如受想行亦如是。除苦。



自性

一非覺隨轉非觀相應三分別苦諦或覺隨轉非觀相應作四句覺隨轉非觀相應者謂覺隨轉身口業覺隨轉心不相應行及覺相應觀觀相應非覺隨轉者謂覺若覺不相應觀相應心心法苦諦覺隨轉亦觀相應者謂覺觀相應心心法苦諦非覺隨轉亦非觀相應者謂除覺隨轉身口業若餘色除覺隨轉心不相應行若餘心不相應行及覺不相應觀及非覺觀相應心心法苦諦如苦諦集諦亦如是

道諦或覺隨轉非觀相應作四句覺隨轉非

觀相應者謂覺隨轉身口業覺隨轉心不相  
應行及覺相應觀觀相應非覺隨轉者謂覺  
若覺不相應觀相應心心法覺隨轉亦觀相  
應者謂覺觀相應心心法非覺隨轉亦非觀  
相應者謂除覺隨轉身口業若餘身口業除  
覺隨轉心不相應行若餘心不相應行及覺  
不相應觀及非覺觀相應心心法  
一非見亦非見處三分別苦諦或見亦見處  
或見處非見見亦見處者謂眼根及五見世  
俗正見餘見處非見如苦諦集諦亦如是  
道諦所攝盡智無生智所不攝無漏慧此是  
見非見處餘非見亦非見處



二身見非彼因彼亦非  
或身見是彼因彼非身見因或身見是彼因  
彼亦身見因或身見非彼因彼亦非身見因  
身見是彼因彼非身見因者謂除過去現在  
見苦斷使彼相應苦諦除過去現在見集斷  
一切遍使彼相應苦諦除未來身見相應苦  
諦除身見生住異滅及彼相應法生住異滅  
若諸餘穢汚苦諦身見是彼因彼亦身見因  
者謂前所除亦所法者是身見非彼因彼亦  
非身見因者謂不穢汚苦諦如苦諦集諦亦  
如是

一非業非業報三分別苦諦或業非業報作

四句業非業報者謂身口業及報所不攝思  
業業報非業者謂若思所不攝報生苦諦業  
亦業報者謂報生思業非業亦非業報者謂  
除業及業報苦諦若餘苦諦如苦諦集諦亦  
如是道諦所攝身口業及思是業非業報餘  
非業亦非業報

一非業亦非業隨轉三分別苦諦或業非業  
隨轉作四句業非業隨轉者謂除業隨轉身  
口業若餘身口業及思業業隨轉非業者謂  
受陰想陰識陰若思所不攝業隨轉行陰業  
亦業隨轉者謂業隨轉身口業非業亦非業  
隨轉者謂除業及業隨轉苦諦若餘苦諦如



苦諦集諦亦如是

道諦或業非業隨轉作四句業非業隨轉者  
謂思業業隨轉非業者謂受陰想陰識陰若  
思所不攝業隨轉行陰業亦業隨轉者謂業  
隨轉身口業非業亦非業隨轉者謂除業隨  
轉心不相應行若餘心不相應行

一非造色色非可見色二分分別苦諦或造色  
色非可見色作三句造色色非可見色者謂  
八入及二入少分造色色亦可見色者謂一  
入非造色色亦非可見色者謂一入及二入  
少分如苦諦集諦亦如是

道諦所攝身口業是造色色非可見色餘非

造色色亦非可見色

一非造色色亦非有對色三分別苦諦或造色色非有對色作四句造色色非有對色者謂一入少分有對色非造色色者謂一入少分造色色亦有對色者謂九入及一入少分非造色色亦非有對色者謂一入及一入少分如苦諦集諦亦如是

道諦所攝身口業是造色色非有對色餘非造色色亦非有對色一切是甚深難了難了甚深

一是善非善因一善亦善因二分別苦諦或善因非善作三句善因非善者謂善報生苦



善亦善因者謂善苦諦非善亦非善因者  
謂除善報生苦諦若餘無記及不善苦諦如  
苦諦集諦亦如是

二非不善因亦非不善二分別苦諦或不善  
因非不善作三句不善因非不善者謂不善  
報生苦諦及欲界身見邊見彼相應苦諦不  
善亦不善因者謂不善苦諦非不善亦非不善  
因者謂除不善報生苦諦除欲界身見邊見  
彼相應苦諦若餘無記及善苦諦如苦諦集  
諦亦如是

二非無記亦非無記因二分別苦諦或無記

非無記作三句無記因非無記者謂不善

亦無記亦無記因者謂無記苦諦非無記  
亦非無記因者謂善苦諦如苦諦集諦亦如是  
一非因緣緣非有因三因緣緣及有因一非  
次第亦非次第緣緣三分別苦諦或次第非  
次第緣緣作三句次第非次第緣緣者謂未  
來現前必起心心法苦諦過去及現在阿羅  
漢最後命終心心法苦諦及無想正受滅盡  
正受已起當起次第亦次第緣緣者謂除過  
去現在阿羅漢最後命終心心法苦諦若餘  
過去及現在心心法苦諦非次第亦非次第  
緣緣者謂除未來現前必起心心法苦諦若  
餘未來心心法苦諦除次第心不相應行若



心不相應行及色如苦諦集諦亦如是  
道諦或次第非次第緣緣作三句次第非次  
第緣緣者謂未來現前必起心心法道諦次  
第亦次第緣緣者謂過去現在心心法道諦  
非次第亦非次第緣緣者謂除未來現前必  
起心心法道諦若餘未來心心心法道諦及身

口業心隨轉心不相應行

一緣緣緣非有緣三分別苦諦所攝色心不  
相應行緣緣緣非有緣餘緣緣及有緣如  
苦諦集諦亦如是

道諦所攝身口業緣緣緣非有緣餘緣緣

緣

是是增上二非流非隨流二分  
別苦諦或流亦隨流或隨流  
非流亦隨流者謂四流餘隨  
流非流如苦諦集諦亦如是

眾事分阿毗曇論卷第九

投

不



